



Pronalazak eksplozivne naprave, droge, oružja i municije

Dana 22.09.2021.godine, policijski službenici Uprave policije MUP-a Kantona Sarajevo su došli do saznanja da jedno lice nudi na prodaju ekslozivnu napravu. Na osnovu Naredbe Općinskog suda u Sarajevu izvršen je pretres jednog stana na području općine Novo Sarajevo, te su policijski službenici došli do informacije o licu koje posjeduje eksplozivnu napravu. Istog dana u ulici Zagrebačka, općina Novo Sarajevo, pronađena je staklena tegla u kojoj se nalazi nepoznata eksplozivna naprava, a koju je prethodno ostavilo lice S.S. iz Sarajeva. O prednjem je obaviješten dežurni tužilac Kantonalnog tužilaštva Kantona Sarajevo, a uviđaj su obavili policijski službenici, koji su izuzeli pronađenu napravu. Pomenutog dana u 13,00 sati slobode je lišeno lice S.S., rođen 1994.godine u Sarajevu, gdje je i nastanjen, zbog postojanja osnova sumnje da je počinio krivično djelo iz člana 371. KZ F BiH (Nedozvoljeno držanje oružja ili eksplozivnih materija). U toku kriminalističke obrade utvrđeno je da se u vezu sa navedenim krivičnim djelom može dovesti lice E.B. iz Vogošće. Izvršenim pretresom stana koji isti koristi na području općine Vogošća, pronađena je i oduzeta određena količina materije koja asocira na opojnu drogu, drobilica, vaga, jedan pištolj nepoznate marke i kalibra, okvir za pištolj i četiri metka. Navedenog dana u 18,00 sati lice E.B., rođen 1976.godine u Sarajevu, nastanjen u Vogošći je lišen slobode, zbog postojanja osnova sumnje da je počinio krivična djela iz člana 371., člana 238. KZ F BiH (Nedozvoljeno držanje oružja ili eksplozivnih materija, Neovlaštena proizvodnja i stavljanje u promet opojnih droga) i člana 74. ZONDINOM-a Kantona Sarajevo. Lica lišena slobode su predata u prostorije Jedinice za osiguranje objekata i zadržavanje osoba lišenih slobode MUP-a Kantona Sarajevo. Policijski službenici nastavljaju kriminalističku obradu nad pomenutim licima.

23.09.2021